

泰美商業科技有限公司提交的意見書

支持政府全面禁止所有電子煙及加熱非燃燒煙草產品

我是一名家長，同時亦是一間 IT 公司的行政總裁，今日應九龍樂善堂的邀請，離到呢度係想向政府表達作為一位父母及老闆，對近年電子煙的盛行的擔心，希望政府可以盡快禁絕呢一種產品！保護我們的子女及下一代！

我家中有讀緊書的小朋友，公司亦有一大班年青人。作為家長，我希望子女有一個健康的成長環境，不會有機會接觸煙草產品；而作為一位老闆，我亦都堅持營商道德及企業社會責任，希望員工良好的生活習慣。但自從電子煙興起後，我既擔心就一日比一日增加。煙草商將電子煙包裝成時尚產品，還刻意誤導公眾這是低危害產品，企圖藉此吸引年青人開始吸煙；當我地花心力想去教好地下一代時，煙草商就利用他們的 Marketing 手法，向青少年推銷有害健康的產品，作不道德的商業宣傳，完全違反道德企業的長遠發展原則！

而更令我擔心的是，在整個公聽會中，我看到無數跟煙草業有關的持份者，不停講為煙民著想，但點解又唔可站在青年人及九成非吸煙人士的立場上想一想，我們的社會，是否值得為左煙草商的利益，而放棄保護九成非吸煙人士的健康及自由，任由煙草商大肆向他們宣傳新產品，吸引佢地成為煙民！

大家都知煙草產品入面一定會有致癌物，唔會有家長想見到自己子女食致癌物落肚，因為佢地原本係唔需要食！但電子煙的出現，就令到青少年多左一個渠道接觸呢D有毒物質！呢D新型煙草產品，仲會係味道、外型及包裝上加以掩飾，營造健康無害的錯覺，就算小朋友食左，家長都難以察覺！實在令人擔心青少年會受到煙草商誤導，偷偷走去呢買D新產品學食煙。

電子煙係披住羊皮既狼，比傳統煙坦坦白白係一隻狼更可怕，為害社會嘅能力更大！但作為父母，我地點同子女講吸煙危害健康，青少年只要反駁一句，「政府都有禁，即係食得啦」，我地就唔知講咩好！所以我非常讚成政府將電子煙全面禁止，最好連食電子煙都係犯法，防止小朋友同青年人可以有機會接觸到呢D有害物品！此外，除了支持全面禁電子煙外，我認為政策並不足夠，除全禁電子煙外，亦應該訂立時間表，推行全面禁煙！